

საქართველოს საჯარო დაწესებულებების საინფორმაციო (ინტერნეტ) რესურსების მონიტორინგი - 2011

---

კვლევის ძირითადი მიზნები:

- საქართველოს საჯარო დაწესებულებების გამჭვირვალობის ხარისხის ამაღლება;
- ინფორმაციის თავისუფლების განვითარების ხელშეწყობა;
- საქართველოში ინფორმაციის თავისუფლებასთან დაკავშირებული საკანონმდებლო ცვლილებების ინიცირება;
- საქართველოში ელექტრონული მმართველობისა და ელექტრონული გამჭვირვალობის განვითარება.

საქართველოს რეგიონული განვითარებისა და ინფრასტრუქტურის სამინისტროს ოფიციალური ვებ-გვერდის ([www.mrdi.gov.ge](http://www.mrdi.gov.ge)) საინფორმაციო გამჭვირვალობისა და ელექტრონული მმართველობის შეფასებითი მონიტორინგი

2011 წლის 12 ივლისი

---

ყველა უფლება დაცულია

ინფორმაციის თავისუფლების განვითარების ინსტიტუტი

ა. მაჭავარიანის ქ. №4, ბინა1. 0179. საქართველო, თბილისი.

Tel: +995322 996364.

[www.idfi.ge](http://www.idfi.ge) / [www.opendata.ge](http://www.opendata.ge)

[info@idfi.ge](mailto:info@idfi.ge)




საქართველოს რეგიონული განვითარებისა და ინფრასტრუქტურის  
სამინისტრო

[www.mrdi.gov.ge](http://www.mrdi.gov.ge)


გამოვლენილი ძირითადი ხარვეზები და რეკომენდაციები

ოფიციალური ვებ-გვერდის საინფორმაციო გამჭვირვალობა IDFI  
პარამეტრების მიხედვით



■ [www.mrdi.gov.ge](http://www.mrdi.gov.ge)  
გამჭვირვალობის  
ხარისხი

■ ინფორმაციის არსებობა ვებ-გვერდზე  
 ■ წარმოდგენილი ინფორმაციის ხარისხი



საქართველოს რეგიონული განვითარებისა და ინფრასტრუქტურის სამინისტროს ვებ-გვერდზე არ მოიძიება:

➤ ზოგადი ინფორმაცია საჯარო დაწესებულების შესახებ

1. სამინისტროს ვებ-გვერდზე არსებულ ქვე-განყოფილებაში - „მინისტრი“ სასურველია მოყვანილ იქნეს იმ საჯარო თანამდებობის პირზე მითითება, რომელიც კანონმდებლობის თანახმად ნიშნავს და ათავისუფლებს თანამდებობიდან მინისტრს. სამინისტროს მოქმედი დებულების თანამად: „მინისტრს თანამდებობაზე ნიშნავს საქართველოს პრემიერ-მინისტრი საქართველოს პრეზიდენტის თანხმობით. მინისტრი უფლებამოსილებას იხსნის საქართველოს პრეზიდენტის წინაშე. მინისტრის საქმიანობას კოორდინაციასა და კონტროლს უწევს საქართველოს პრემიერ-მინისტრი, რომელიც უფლებამოსილია თანამდებობიდან გაათავისუფლოს მინისტრი“ როგორც ირკვევა, მინისტრის თანამდებობა საკმაოდ მნიშვნელოვან სახელმწიფო სტატუსს ატარებს, რაზედაც აუცილებლად უნდა იყოს მცირე ინფორმაციული ხასიათის აღწერა. ამავე ქვე-განყოფილებაში სასურველია მოიძიებოდეს მინისტრის კომპეტენციის აღწერაც.


2. ვებ-გვერდზე არ მოიძიება მინისტრის არცერთი საკონტაქტო რეკვიზიტი: სამუშაო ელ-ფოსტა, მისაღების (თანაშემწის) ტელეფონისა და ფაქსის ნომრები:



**მინისტრი:** რამაზ ნიკოლაიშვილი  
დაბადების თარიღი: 1965 წლის 17 ივნისი  
დაბადების ადგილი: ქ. თბილისი  
ოჯახური მდგომარეობა: ჰყავს მეუღლე და სამი შვილი  
უცხო ენები: რუსული, ინგლისური

**განათლება**  
1983 - 1990 საქართველოს პოლიტექნიკური ინსტიტუტი, სამრეწველო და სამოქალაქო მშენებლობა, ინჟინერ-მშენებელი;  
1995 - 1997 თბილისის ი. ჯავახიშვილის სახელობის სახელმწიფო უნივერსიტეტი, ფინანსები და კრედიტები, ეკონომისტი;  
2000 - 2003 თბილისის ი. ჯავახიშვილის სახელობის სახელმწიფო უნივერსიტეტი, სამართალმცოდნელობა, იურისტი.

3. ვებ-გვერდზე არ მოიძიება მინისტრის მოადგილეთა არცერთი საკონტაქტო რეკვიზიტი: სამუშაო ელ.ფოსტა, მისაღების (თანაშემწის) ტელეფონისა და ფაქსის ნომრები და აგრეთვე არ მოიძიება ყველა მოადგილის კომპეტენციის აღწერა:



4. განყოფილება „სამინისტროს შესახებ“, ქვე-განყოფილება „მინისტრის მოადგილეები“ საჭიროებს დახვეწას. მოქმედი კანონმდებლობის თანახმად მინისტრს ჰყავს 3 მოადგილე (მათ შორის, ერთი პირველი), შესაბამის ქვე-განყოფილებაში მოცემულია ინფორმაცია სამიდან ორი მოადგილის შესახებ, ამასთან სასურველია ქვე-განყოფილებას დაემატოს ინფორმაცია მესამე მოადგილის შესახებ, რომლის ბმულზეც გადასვლისას, იმ შემთხვევაში, თუ თანამდებობა ვაკანტურია მოყვანილი იქნება შემდეგი ინფორმაცია: „თანამდებობა დაკავებული არ არის“, „მოადგილე ჯერ არ დანიშნულა“ ან *მისთ*.

5. ვებ-გვერდზე არ მოიძიება საქართველოს რეგიონული განვითარებისა და ინფრასტრუქტურის სამინისტროს საფოსტო მისამართი (საფოსტო ინდექსზე მითითებით), ფაქსის ნომერი, შენობის მდებარეობის აღმნიშვნელი რუკა, ფიზიკური და იურიდიული პირების მიღების და მათთან მუშაობის გრაფიკი და ვებ-გვერდის ოფიციალურობის დამადასტურებელი წერილობითი აღნიშვნა:



6. ვებ-გვერდზე არ მოიძიება საქართველოს რეგიონული განვითარებისა და ინფრასტრუქტურის სამინისტროს მმართველობის სფეროს/ამოცანების აღწერა და სამინისტროს დაფუძნების თარიღიდან მოყოლებული დეტალური საქმიანობის ისტორია;

7. განყოფილებაში „დაგვიკავშირდით“ არ მოიძიება საქართველოს რეგიონული განვითარებისა და ინფრასტრუქტურის სამინისტროს სისტემის ერთიანი სარეკვიზიტო ცნობარი (ყველა სტრუქტურული ერთეულის, სახელმწიფო კონტროლს დაქვემდებარებული უკლებლივ ყველა

საჯარო სამართლის იურიდიული პირის და სამინისტროს გამგებლობაში არსებული საქვეუწყებო დაწესებულებების სატელეფონო ცნობარი, ელ. ფოსტა, საფოსტო მისამართი და ფაქსის ნომრები):

**ადმინისტრაციული დეპარტამენტი**

სამინისტროში საბუღალტრო აღრიცხვისა და ფინანსური ანგარიშგების, სამინისტროს საბიუჯეტო სახსრებისა და საშუალებების დაგეგმვის უზრუნველყოფა; სამინისტროს ერთიანი ბიუჯეტის შემუშავება და მისი აღსრულების კოორდინაცია; სახელმწიფო ბიუჯეტიდან სამინისტროსთვის გამოყოფილ ასიგნებათა ფარგლებში სახელმწიფო შესყიდვების განხორციელების უზრუნველყოფა "სახელმწიფო შესყიდვების შესახებ" საქართველოს კანონის შესაბამისად; საფინანსო-სამეურნეო საქმიანობის განხორციელება; სამინისტროს კომპიუტერული ქსელის სისტემების ადმინისტრირება და მართვა; სამინისტროში არსებული საჯარო ინფორმაციის ხელმისაწვდომობის უზრუნველყოფა; საქმისწარმოების ერთიანი წესების შესაბამისად სამინისტროში შემოსული ოფიციალური კორესპონდენციის დამუშავებისა და დოკუმენტბრუნვის უზრუნველყოფა; საიდუმლო საქმისწარმოების განხორციელება; საჯარო მოსამსახურეთა პირადი საქმეების წარმოება, ატესტაციების ორგანიზება და ატესტაციის შედეგების ასახვა პირად საქმეებში.

**აღ. ყაზბეგის 12**  
**+995 32 510611**  
**+995 32 510725**

**სამინისტროს შსსსაპ**

მინისტრის აპარატის დებულება


**მინისტრის აპარატი**

მინისტრის ორგანიზაციული და ადმინისტრაციული საქმიანობის უზრუნველყოფა; სამინისტროს სტრუქტურული ერთეულების, საქვეუწყებო დაწესებულებებისა და სხვა ორგანოების საქმიანობის კოორდინაციაში მონაწილეობა; სამინისტროს სათათბირო ორგანოების სხდომებისა და მინისტრის მიერ დანიშნული სხვა თათბირების გამართვის ორგანიზება და სხდომის ოქმის წარმოება; მინისტრის ცალკეული დავალებების შესრულება

**აღ. ყაზბეგის 12**  
**+995 32 282210**

➤ **საჯარო დაწესებულების სისტემა/სტრუქტურა**

8. განყოფილებაში „სამინისტროს შესახებ“ არსებულ ქვე-განყოფილებაში „სტრუქტურა“ სტრუქტურულ ხეზე და აგრეთვე სტრუქტურული ერთეულების ჩამონათვალში არ მოიძიება ინფორმაცია ფინანსების მართვის დეპარტამენტის შესახებ. ვებ-გვერდზე არსებულ სტრუქტურულ ხეზე მოყვანილია მობილიზაციისა და სამხედრო სამსახურში გაწვევის კოორდინაციის სამსახურის არასწორი სახელწოდება (უნდა იყოს - მობილიზაციისა და სამხედრო სამსახურში გაწვევის კოორდინირების სამსახური). სამინისტროს სახელმწიფო საქვეუწყებო დაწესებულების დასახელება - „საავტომობილო გზების დეპარტამენტი“ ანალოგიურად საჭიროებს დახვეწას (უნდა იყოს - „საქართველოს საავტომობილო გზების დეპარტამენტი“). ამასთან, მუნიციპალური განვითარების ფონდს სასურველია თან ერთვოდეს აღნიშვნა - „(სსიპ)“:



9. ვებ-გვერდზე არ მოიძიება საქართველოს რეგიონული განვითარებისა და ინფრასტრუქტურის სამინისტროს სტრუქტურული ერთეულების ხელმძღვანელთა სახელები და გვარები, ფოტოსურათები, ვრცელი ბიოგრაფიული მონაცემები, კომპეტენციის აღწერა და საკონტაქტო რეკვიზიტები: სამუშაო ელ.ფოსტები, მისაღების (თანაშემწეების) ტელეფონისა და ფაქსის ნომრები.

10. ვებ-გვერდზე არ მოიძიება საქართველოს რეგიონული განვითარებისა და ინფრასტრუქტურის სამინისტროს სტრუქტურული ერთეულების (გარდა საზოგადოებასთან ურთიერთობის სამსახურისა) ელექტრონული ფოსტის მისამართები.

11. საქართველოს რეგიონული განვითარებისა და ინფრასტრუქტურის სამინისტროსთან სატელეფონო კავშირის შედეგად გაირკვა, რომ სამინისტროს გააჩნია მოქმედი სათათბირო ორგანო - სათათბირო საბჭო, შესაბამისად სასურველია ვებ-გვერდზე შესაქმნელ განცალკევებულ (ქვე-)განყოფილებაში მოიძიებოდეს შემდეგი სახის ინფორმაცია:

- სათათბირო საბჭოს ხელმძღვანელების სახელები და გვარები, ფოტოსურათები და ვრცელი ბიოგრაფიული მონაცემები;
- სათათბირო საბჭოს სტრუქტურა და შემადგენლობა;
- სათათბირო საბჭოს სხდომების ოქმები და აგრეთვე სხდომებზე მიღებული გადაწყვეტილებების შესახებ ინფორმაციული ხასიათის ცნობები.

➤ **მონაცემები საჯარო დაწესებულების საინფორმაციო რესურსების შესახებ**

12. საქართველოს რეგიონული განვითარებისა და ინფრასტრუქტურის სამინისტროს ვებ-გვერდზე არ არის მოცემული რიგი მნიშვნელოვანი მონაცემთა ბაზებისა, კერძოდ: საერთაშორისო და ადმინისტრაციული ხელშეკრულებები, ვაკანსიათა არქივი, სტატისტიკური მონაცემები, ფინანსური ხასიათის მაჩვენებლები, სამინისტროს საქმიანობის ამსახველი ანგარიშები და ა.შ.

13. სამინისტროს მოქმედი დებულების მე-7 მუხლის მე-3 პუნქტის თანახმად მინისტრის სხვა ფუნქციებს შორისაა:

- „საავტომობილო გზების შესახებ“ საქართველოს კანონით დადგენილ ვადაში საერთაშორისო და შიდასახელმწიფოებრივი მნიშვნელობის საავტომობილო გზების ნუსხის საქართველოს პრეზიდენტისათვის დასამტკიცებლად წარდგენა (სასურველია საიტზე ხსენებული გზების ნუსხის განთავსება, ინფორმაციის არსებობის პირობებში);
- საქართველოს თავდაცვის მინისტრთან ერთობლივი ბრძანებით უფლებამოსილი თანამდებობის პირის მიერ ხელმოწერილი საფრენოსნო დავალების ფორმისა და მისი შევსების წესის დამტკიცება (სასურველია საიტზე ხსენებული ფორმისა და წესების განთავსება, ინფორმაციის არსებობის პირობებში);

14. ვებ-გვერდზე არსებული განყოფილება „რეგიონული განვითარების რეფორმა“ ცარიელია, ხოლო მთავარ გვერდზე, მარცხენა დაბალ კუთხეში მოცემული „საქართველოს რეგიონული განვითარების 2010-2017 წწ. სახელმწიფო სტრატეგიის“ ბმულზე გადასვლისას მოცემულია აღნიშნული სტრატეგიის შესაბამისი დოკუმენტი, რომლის ვრცლად გაშლის ფუნქციაც სათანადოდ არ მუშაობს;

15. არ მოიძიება შემოსული/გასული კორექსონდენციის რეგისტრი.



➤ ძირითადი კომპეტენციის სფეროში საჯარო დაწესებულების საქმიანობის შესახებ ცნობები

16. ვებ-გვერდზე არ მოიძიება მინისტრის მოადგილეთა გამოსვლების, განცხადებების, ბრიფინგების ტექსტები და ცნობები მათი ოფიციალური/სამუშაო ვიზიტების შესახებ.

17. ვებ-გვერდზე არ მოიძიება საქართველოს რეგიონული განვითარების და ინფრასტრუქტურის სამინისტროს საქმიანობის ამსახველი ერთიანი წლიური ანგარიში.

18. ვებ-გვერდზე არ მოიძიება მონაცემები იმ ძირითადი მაჩვენებლების შესახებ, რომლებიც ასახავენ სამინისტროს საქმიანობის ძირითად სფეროებში არსებულ სიტუაციასა და მათ განვითარების დინამიკას. აგრეთვე არ მოიძიება საქართველოს რეგიონული განვითარების და ინფრასტრუქტურის სამინისტროს მიერ შეგროვებული და დამუშავებული ოფიციალური სტატისტიკური ინფორმაცია.


19. საჭიროა ვებ-გვერდზე განცალკევებულად არსებობდეს ქვე-განყოფილებები „საერთაშორისო პარტნიორობა“ და „პარტნიორობა საქართველოს ორგანიზაციებთან“, სადაც მოყვანილი იქნება პარტნიორობის შესაბამისი ტექსტური ინფორმაციული აღწერა და საქართველოს რეგიონული განვითარებისა და ინფრასტრუქტურის სამინისტროს პარტნიორ ორგანიზაციათა ვებ-გვერდების ბმულები.

20. ვებ-გვერდზე არ მოიძიება იმ პროგრამებისა და პროექტების ჩამონათვალი და შესრულების შესახებ (ყოველწლიური) მოხსენებები, რომელთა დამკვეთს, შემსრულებელს ან რეალიზაციაში რაიმე სახით მონაწილე მხარეს წარმოადგენს საქართველოს რეგიონული განვითარებისა და ინფრასტრუქტურის სამინისტრო.

➤ სამართლებრივი აქტები და საჯარო დაწესებულების ნორმაშემოქმედებითი საქმიანობა

21. მართალია ვებ-გვერდზე არსებობს განყოფილება „კანონმდებლობა“, მაგრამ მასში განთავსებული სამართლებრივი აქტების რაოდენობა ძალზედ მწირია. ამასთან, ქვე-განყოფილებაში „საკანონმდებლო აქტები“ განთავსებული ყველა სამართლებრივი აქტი მოცემულია ძველი მდგომარეობით. ვებ-გვერდზე არ მოიძიება საქართველოს რეგიონული განვითარებისა და ინფრასტრუქტურის სამინისტროს საქმიანობის (მმართველობის) სფეროსთან დაკავშირებული საქართველოს პრეზიდენტის სამართლებრივი აქტები და აგრეთვე სამართლებრივი აქტების პროექტები. ვებ-გვერდზე არ მოიძიება საქართველოს კონსტიტუცია.

აღსანიშნავია ისიც, რომ ქვე-განყოფილებაში „ბრძანებები“ მოყვანილი, რიგით პირველი სამართლებრივი აქტის გასახსნელი ბმული (საქართველოს საავტომობილო გზების დეპარტამენტის ტერიტორიული ორგანოს – აჭარის ავტონომიური რესპუბლიკის საავტომობილო გზების დირექციის დებულების დამტკიცების შესახებ) არ მუშაობს:



- **საჯარო დაწესებულების საქმიანობის წესი, რომელიც მიზნად ისახავს ფიზიკურ და იურიდიულ პირთა უფლებების, თავისუფლებებისა და კანონიერი ინტერესების უზრუნველყოფას**

**22.** საქართველოს რეგიონული განვითარების და ინფრასტრუქტურის სამინისტროს ვებ-გვერდზე არ მოიძიება ფიზიკურ და იურიდიულ პირთა მიმართვათა მიმოხილვა, ფიზიკურ და იურიდიულ პირთა ზოგად საკითხებთან დაკავშირებულ მიმართვათა საჯარო დაწესებულებაში მიღების წესის აღწერა.

**23.** ვებ-გვერდზე არ არის წარმოდგენილი ინფორმაცია საქართველოს რეგიონული განვითარების და ინფრასტრუქტურის სამინისტროს საქმიანობის შესახებ, რომელიც დაკავშირებულია ინფორმაციის თავისუფლებასთან / საჯარო ინფორმაციის ღიაობასთან: ვებ-გვერდზე არ არსებობს საჯარო ინფორმაციასთან დაკავშირებული განცალკევებული განყოფილება. არ მოიძიება საჯარო ინფორმაციის ხელმისაწვდომობის უზრუნველყოფაზე პასუხისმგებელი საჯარო მოსამსახურის ვინაობის (სახელი და გვარი), თანამდებობისა და საკონტაქტო რეკვიზიტების შესახებ ინფორმაცია, საჯარო ინფორმაციის გაცემაზე უარის თქმის შესახებ მიღებულ გადაწყვეტილებათა გასაჩივრების შესახებ ცნობები და სამინისტროში შესული საჯარო ინფორმაციის გაცემასა და გაცემის მოთხოვნაზე უარის თქმის თაობაზე მიღებულ გადაწყვეტილებათა რაოდენობის შესახებ ინფორმაცია. აგრეთვე ვებ-გვერდზე არ არის წარმოდგენილი ადმინისტრაციული საჩივრისა და საჯარო ინფორმაციის მოთხოვნის ჩამოსატვირთი ფორმები/ნიმუშები.

- **საჯარო დაწესებულების საქმიანობის ფარგლებში მიმდინარე სახელმწიფო შესყიდვების, სახელმწიფო ქონების პრივატიზების, ხელშეკრულებების გაფორმების შესახებ ცნობები**

**24.** განყოფილება „ტენდერები“ შემოიფარგლება მხოლოდ სამინისტროს გამგებლობაში არსებულ სახელმწიფო საქვეუწყებო დაწესებულების - საავტომობილო გზების დეპარტამენტის, სამინისტროს სახელმწიფო კონტროლს დაქვემდებარებული საჯარო სამართლის იურიდიული

პირის - საქართველოს მუნიციპალური განვითარების ფონდის და საქართველოს გაერთიანებული წყალმომარაგების კომპანიის ვებ-გვერდების ტენდერების განყოფილებაზე გადასასვლელი ბმულებით. შესაბამისად, ვებ-გვერდზე არ მოიძიება ინფორმაცია სამინისტროს მიერ გამოცხადებულ ტენდერებისა/განხორციელებულ სახელმწიფო შესყიდვების შესახებ.

**25.** საქართველოს რეგიონული განვითარების და ინფრასტრუქტურის სამინისტროს ვებ-გვერდზე არ მოიძიება ადმინისტრაციულ ხელშეკრულებათა ბლოკი/განყოფილება, სადაც მოყვანილი იქნებოდა სამინისტროსა და ფიზიკურ/იურიდიულ პირებს შორის, აგრეთვე სამინისტროსა და სხვა საჯარო დაწესებულებას შორის გაფორმებულ ადმინისტრაციულ (სამოქალაქო/სამართლებრივ) ხელშეკრულებათა ჩამონათვალი და პირობები.

➤ **საჯარო დაწესებულების საკადრო უზრუნველყოფა**

**26.** ვებ-გვერდზე არ არსებობს განყოფილება „ვაკანსიები“, რომელშიც მოყვანილი იქნებოდა საქართველოს რეგიონული განვითარების და ინფრასტრუქტურის სამინისტროში ვაკანტურ თანამდებობათა და ვაკანტურ თანამდებობაზე მისაღები კანდიდატისათვის წაყენებული საკვალიფიკაციო მოთხოვნების ჩამონათვალი, საჯარო თანამდებობათა დასაკავებელი კონკურსის ჩატარების წესი, საჯარო თანამდებობათა დასაკავებელი კონკურსის შედეგები (სამინისტროს მიერ კანდიდატთა პერსონალური მონაცემების ვებ-გვერდზე განთავსების საფუძვლებზე (თანხმობის მიღება) მითითებით, საჯარო თანამდებობათა დასაკავებელი კონკურსის პროცედურებისა და შედეგებთან დაკავშირებული პრეტენზიების წაყენების, მათი ადმინისტრაციული წარმოების გზით გასაჩივრების წესის აღწერა და ა.შ.:

➤ **საჯარო დაწესებულების დაფინანსება და ხარჯთაღრიცხვა (ბიუჯეტი)**


**27.** ვებ-გვერდზე არ არის წარმოდგენილი საქართველოს რეგიონული განვითარების და ინფრასტრუქტურის სამინისტროს საქმიანობასთან დაკავშირებული შემდეგი ფინანსური ხასიათის ინფორმაცია:

- არ მოიძიება სამინისტროსათვის გამოყოფილი სახელმწიფო ბიუჯეტით გათვალისწინებული ასიგნებების შესახებ ინფორმაცია;
- არ მოიძიება სამინისტროს ბიუჯეტის შესრულების ბალანსისა და ბიუჯეტის ასიგნებების ხარჯვის შესახებ ზოგადი ინფორმაცია;

- არ მოიძიება საჯარო სამსახურებრივი უფლებამოსილების განმახორციელებელი თანამდებობის პირთა ჩამონათვალი და საშტატო განრიგი/სამინისტროს კონკრეტულ საშტატო ერთეულზე გათვალისწინებული ფინანსური განაკვეთების შესახებ ინფორმაცია;
- არ მოიძიება სამინისტროს სრული სისტემის თანამშრომლებზე გაცემული ხელფასების, დანამატების და დარიცხული პრემიების წლიური ოდენობების შესახებ ინფორმაცია (კონკრეტულ პირთა ვინაობაზე მითითების გარეშე);
- უცხო სახელმწიფოთა მთავრობების, საერთაშორისო ორგანიზაციების, სხვა დონის სახელმწიფო ერთეულების მიერ საქართველოს რეგიონული განვითარების და ინფრასტრუქტურის სამინისტროსათვის გამოყოფილი ფინანსური დახმარების (გრანტები) ხარჯთაღრიცხვა.


შეფასება ვებ-გვერდის ელექტრონული კომპონენტის მიხედვით:

ტექნიკური პარამეტრების გამართულობა და არსებობა  
ოფიციალურ ვებ-გვერდზე




# ვებ-გვერდის ელ-მმართველობის ხარისხი

■ ტექნიკური პარამეტრის არსებობა ვებ-გვერდზე



## ➤ ნავიგაცია


ვებ-გვერდზე არსებობს ასეთი კატეგორია „რეგიონები“, სადაც აწყობილია საქართველოს რუკა და მომხმარებელს შეუძლია რეგიონების მიხედვით მოიძიოს შესაბამისი ინფორმაცია:




თუმცა, თუ შევხედავთ თბილისს, მასზე „მაუსის“ მიტანა საკმაოდ რთულია, რადგან რაც უფრო ვუახლოვდებით მას მით უფრო იზრდება გარშემო მყოფი რეგიონების ზომა და თბილისის მონაკვეთი თითქმის იფარება. ეს გაუთვალისწინებელი ხარვეზია, რომელიც აუცილებლად უნდა გამოსწორდეს.

## ➤ მიება

უშედეგო მიების შემდგომ ვებ-გვერდზე აღნიშნულია რომ ვიწყობებით არქივის გვერდზე და არა მიების გვერდზე და რაც მთავარი არანაირი ინფორმაცია არ არის იმის შესახებ, რომ ინფორმაცია ვერ მოიძებნა. მიებასთან დაკავშირებულ ნებისმიერ მოქმედებაზე, მომხმარებელმა უნდა მიიღოს შესაბამისი ახსნაგანმარტება:



ასევე უნდა აღინიშნოს ის დეტალი, რომ თუ ინფორმაცია მოიძებნა და იგი ვებ-გვერდზე წარმოდგენილია საკმაოდ დიდი ჩამონათვალით, ყველა მოძიებული შედეგი გამოდის ერთ გვერდზე, რაც იწვევს გვერდის ჩატვირთვის სიჩქარის დაცემას და ართულებს მასზე ნავიგაციას:





➤ მარტივად აღქმის კრიტერიუმები

ვებ-გვერდის ყველა დეტალზე გამოყენებულია „ჩრდილები“, ხშირად ზედმეტი რაოდენობით, ასეთი შუქ-ჩრდილები მნიშვნელოვნად ართულებს ტექსტის წაკითხვას.

ვებ-გვერდზე არსებობს ვიდეო მასალა, რომლის გახსნასთან ერთად ვებ-გვერდი გვთხოვს სპეციალურ დამატებით პროგრამულ უზრუნველყოფას. ვიდეო მასალა აუცილებლად უნდა იყოს FLV ფორმატის, რომელსაც თავისუფლად წაიკითხავს ნებისმიერი Flash Player-ის ვერსია:

➤ საკონტაქტო ფორმები და წესები

ვებ-გვერდზე არ არის მითითებული სტანდარტული ფონტი, შედეგად „ბრაუზერ“ ოპერაში გვერდი სხვა ფონტი იტვირთება:

The screenshot shows a website layout with several distinct sections:

- Top Left Navigation:** A vertical menu with buttons for "რეგიონული განვითარების რეფორმა" (Regional Development Reform), "გალერეა" (Gallery), "არქივი" (Archive), and "ბმულები" (Documents).
- Public Accountability Section:** A box titled "ინტეგრირებული საჯარო ანგარიშგება" (Integrated Public Accountability) with the logo of the Public Accountability Center.
- Water Supply Information:** A section titled "წვევამდელთა შემკრებ-გამანაწილებელი პუნქტის რეაბილიტირებული შენობა გახსნა" (Restored distribution point building opened), featuring a photo of a building and text about the project's progress and future plans.
- Event Calendar:** Three date-based boxes:
  - 18.07.2011:** "კვრონდ საირმეში რეგიონული განვითარებისა და ინფრასტრუქტურის სამინისტროს მიერ" (By the Ministry of Regional Development and Infrastructure).
  - 16.07.2011:** "საქართველოს რეგიონული განვითარებისა და ინფრასტრუქტურის სამინისტრომ სტუდენტების დასაქმების პროგრამა" (Program for student employment).
  - 13.07.2011:** "საქართველოს სამ დიდ ქალაქში: თელავში, გორსა და ქუთაისში რეგიონული განვითარებისა და ინფრასტრუქტურის სამინისტროს მიერ" (By the Ministry of Regional Development and Infrastructure in three large cities).
- Logos and Branding:** Logos for "საქართველოს ტანსაცმლის მწარმოებელი კომპანია" (Garment Manufacturer Company), "საქართველოს ტანსაცმლის მწარმოებელი კომპანია" (Garment Manufacturer Company), and "საქართველოს მუნიციპალური განვითარების ფონდი" (Municipal Development Fund).
- Footer:** A row of four small images: a map of Georgia, a landscape view, two men in a meeting, and a construction site.

საკონტაქტო ფორმით წერილის გაგზავნის დამადასტურებელი აღნიშვნა მოცემულია მკრთალ ფორმატში და ამავე დროს გვერდის ქვედა ბოლოში რაც ართულებს მის შემჩნევას:

სამინისტროს შესახებ    კანონმდებლობა    ტენდერები    დაგვიკავშირდით

დაგვიკავშირდით

საზოგადოებასთან ურთიერთობის სამსახური

მისამართი: ალ.ყაზბეგის 12

ტელ: +995 32 510591, +995 32 510698

ელ.ფოსტა: [press@mrdi.gov.ge](mailto:press@mrdi.gov.ge)

ყურადღება: ვებ-გვერდის მემვეობით გამოგზავნილი წერილი ატარებს საინფორმაციო ხასიათს, შესაბამისად მასზე გაცემული პასუხი ვერ იქნება იურიდიული ძალის მატარებელი!

სახელი\*:

გვარი\*:







ტელეფონი:

ელ-ფოსტა\*:

ტექსტი\*:

გაგზავნა

გაიგზავნა წარმატებით



## ➤ ინტეგრაცია სოციალურ ქსელებთან

ვებ-გვერდზე Facebook-ის ლილაკზე დაჭერით გადავდივართ მინისტრ რამაზ ნიკოლაიშვილის გვერდზე და არა სამინისტროს გვერდზე:

The screenshot shows the Facebook profile of Ramaz Nikolashvili, a Government Official. The profile includes a cover photo of him speaking, a profile picture of him, and a grid of photos. The 'Wall' section contains two posts from 'mrdi' (mrdi.gov.ge). The first post, from 6 hours ago, is about regional development and infrastructure projects. The second post, from Wednesday at 10:10am, is about a road reconstruction project in the Gurjaan region. The left sidebar shows navigation options like Wall, Info, Photos, Ustream.TV, and youtube, as well as an 'About' section and a list of likes from various organizations.

სამინისტროს ვებ-გვერდზე ინტეგრირებული Facebook-ის გვერდი აუცილებლად უნდა იყოს საჯარო დაწესებულების შესახებ და არა რომელიმე მინისტრის ან საჯარო პირის შესახებ.

## ვებ-გვერდის ზოგადი შეფასება

ვებ-გვერდზე არ არის გათვალისწინებული თანამედროვე სტანდარტები და ტენდენციები. საჭიროა ვებ-გვერდის მოდერნიზება თანამედროვე ტექნოლოგიების გათვალისწინებით და მისი სოციალურ ქსელებთან უფრო საფუძვლიანი ინტეგრირება.